

## CÚRAM IMSHAOIL

## Gníomhaíocht CI02

**Téama**

Gníomhaíocht ranga (GR). Bainfidh na daltaí leas as an leagan deiridh den léarscáil a ullmhaíodh sa 'Léarscáil taisce' (ECO1) le hard a tharraingt ar roinnt saincheisteanna imshaoil ina gceantar.

**Cuspóirí**

Ag cur feasacht áitiúil chun cinn, ag bailiú tuairimí ar shaincheisteanna a mbíonn inní fúthu ó thaobh caighdeán saoil áitiúil agus ag forbairt scileanna anailísithe trína iarraidh ar na daltaí na

saincheisteanna sin a aithint agus a mheasúnú ag baint leasa as na léarscáileanna.

**Snáitheanna Curaclaim**

OSIE, Eolaíocht agus Tíreolaíocht - Feasacht agus cúram imshaoil

OSIE, Tíreolaíocht - Imshaoil dhaonna; Imshaoil nádúrtha

OSPS - Mé féin agus an domhan mór; Saoránacht a fhorbairt

**Scileanna**

Ag ceistiú, ag breathnú, ag iniúchadh, ag clárú agus ag anailísiú. Tuiscint d'áit agus do spás agus léarscáileanna, cruinneoga agus scileanna grafacha.

**Am**

20-30 nóiméad cur i láthair; 40 nóiméad le haghaidh gach gníomhaíocht léarscáilíochta

**Nascadh le Scoileanna Glasa**

Ag baint leasa as léarscáilíocht mar uirlis le smaoineamh ar shaincheisteanna imshaoil i gclós na scoile agus sa cheantar áitiúil.

# X ar an spota

## AG BAINN LEASA AS DO LÉARSCÁIL LE

**CAD A THEASTÓIDH UAI**

- "Léarscáil taisce' déanta sa ghníomhaíocht roimhe seo
- Páipéar
- Pinn luaidh

**CAD A DHÉANFAIDH TÚ**

- 1 Píoc léarscáil de chlós na scoile nó léarscáil de do cheantar féin mar a rinneadh sa ghníomhaíocht roimhe seo 'Léarscáil taisce' den mhodúl (CI01).
- 2 Déan tobsmaointeoireacht leis na daltaí maidir leis na saincheisteanna éagsúla a mbeadh spéis acu ann ina gceantar, ag úsáid topaicí b'fhéidir mar dhramhaíl, iompar agus an dúlra. Mar shampla, d'fhéadfadh gur bruscar, ganntanas boscaí bruscair, an áit a bhfuil boscaí athchúrsáilte agus boscaí múiríní leagtha cuid de na saincheisteanna a bhainfeadh le dramhaíl agus



## CÚRAM IMSHAOIL

## Gníomhaíocht C102

ar leanúint →

mar sin de; d'fhéadfadh gur ganntanas crann nó damáiste a dhéantar do chrainn, ganntanas spás oscailte, easpa plandaí bláthanna, nó ganntanas gnáthóga don dúlra a bheadh sna saincheisteanna a bhainfeadh leis an dúlra. I gcás cúrsaí iompair, d'fhéadfá an áit a bhfuil bóithre gnóthacha a chur isteach, chomh maith le truailliú aeir agus torainn agus easpa áiteanna sábháilte le dhul trasna an bhóthair.

- 3 Roinn na daltaí i ngrúpaí, ag tabhairt cóip dóibh den léarscáil a bhí acu sa ghníomhaíocht roimhe seo.
- 4 Tabhair topaic do gach grúpa. Ba chóir do gach grúpa saincheisteanna imshaoil a mharcáil ar an léarscáil i gcás a dtopaicí féin.
- 5 Ba chóir don ghrúpa cinneadh a dhéanamh faoi na siombailí a bheidh acu don léarscáil. Tá sé tábhachtach go mbeadh gach siombail éasca agus nach léaráid shonraithe a bheadh ann den ábhar a bheidh i gceist. Ba chóir an léarscáil a úsáid le gnéithe atá ann cheana féin a léiriú, réimsí a bhfuil fadhbanna leo agus áiteanna eile ar mian leis an ngrúpa aird a tharraingt orthu nó a phlé.

- 6 A luaithe agus a bheidh a gcuid léarscáileanna comhlánaithe ag na grúpaí féadfaidh siad a gcuid oibre a mhíniú don chuid eile den rang.
- 7 D'fhéadfaí na léarscáileanna a chur ar taispeáint sa seomra ranga nó i ndorchlaí na scoile.

### Ceisteanna

- 1 Cén topaic imshaoil is mó a thagann chun cinn arís agus arís eile? Cad chuige sin a gceapfá? Cad iad na topaicí eile a bhféadfadh spéis a bheith iontu i do cheantar?

### Ar aghaidh leat

- 1 I ndiaidh an chleachtaidh léarscáilíochta b'fhéidir go mbeadh daltaí ag iarraidh grianghraif a ghlacadh de chuid de na háiteanna a bhfuil fadhbanna iontu a bhfuil tagairt déanta acu dóibh ar a gcuid léarscáileanna acu agus iad sin a léiriú lena gcuid léarscáileanna. B'fhéidir gur mhaith leo freisin na fadhbanna agus na saincheisteanna a chur i gcatagóirí de réir an chuid atá éasca a réiteach agus an chuid nach bhfuil (bheadh ceangal aige sin leis an gcéad ghníomhaíocht eile: C103, 'Réiteach a phleanáil')